

悟因法師講《妙法蓮華經》

方便品（上）

偈言：舍利弗請法

爾時舍利弗欲重宣此義，而說偈言：

「慧日大聖尊，久乃說是法，自說得如是，力無畏三昧、
禪定解脫等，不可思議法。道場所得法，無能發問者；
我意難可測，亦無能問者。無問而自說，稱歎所行道，
智慧甚微妙，諸佛之所得。無漏諸羅漢，及求涅槃者，
今皆墮疑網，佛何故說是？其求緣覺者，比丘比丘尼，
諸天龍鬼神，及乾闥婆等，相視懷猶豫，瞻仰兩足尊，
是事為云何，願佛為解說。於諸聲聞眾，佛說我第一。
我今自於智，疑惑不能了，為是究竟法？為是所行道？
佛口所生子，合掌瞻仰待，願出微妙音，時為如實說。
諸天龍神等，其數如恒沙，求佛諸菩薩，大數有八萬，
又諸萬億國，轉輪聖王至，合掌以敬心，欲聞具足道。」